





第一三三七冊

四庫全書

● 上海古籍出版社

本冊目次

文苑英華(五)

宋李昉等奉敕編……一

第一三三三冊

上海古籍出版社

欽定四庫全書

集部

文苑英華卷四百二十二

欽定四庫全書

文苑英華卷四百二十二

宋 李昉等 編

敕書三

尊號敕書一

開元二十七年冊尊號大赦制 孫 逖

門下

勅

古之執大象建皇極者必稽彝訓而受鴻名

所以應乎天而順乎人也朕嗣守丕業二十七年受命

之初既膺明號尚多祇懼已謂崇高而公卿宗子緇黃

欽定四庫全書

文苑英華
卷四百二十二

耆父披誠瀝懇諸闕上言無以為乃聖乃文祖宗大烈

恭惟續服必在欽承願以休名施于薄德抑而不許凡

已十年爰追于今又陳八請上迫奉先之義下稽從衆

之言將存至公不可固拒以今日敬依大號曰開元聖

文神武皇帝勉從典冊良增感懼惟新之號既不私於

朕躬非常之澤宜並

一作

單於率土可大赦天下自開

元二十七年二月七日昧爽以前大辟以下罪無輕重

已發覺未發覺已結正未結正繫囚見徒常赦所不免

詳校官庶吉士臣柳遵祖

助教臣常倫覆勘

總校官進士臣朱 鈐

校對官中書臣胡結基

膳錄監生臣劉耀龍

者咸赦除之自開元已來諸色逋負痕累人等咸從洗滌令許自新所司更不須以此為累其有別勅停官及亡失爵者放歸不齒之類量加收叙左遷官及諸色流人並稍量移近處朕每念黎甿常恐失所救其困乏所貴一作必在及時比來諸州或有損處所在賑給例逼春農比及奏報又淹時月既無救於懸絕亦何成於惠養自今已後每年至秋收後即宜遣使分道宣慰仍與採訪使及州縣相知巡檢百姓間或有乏絕不自支濟者應

欽定四庫全書

文苑英華
卷四百二十二

二

須蠲放及賑給便量事處置訖奏聞天下百姓宜放今年地稅州縣官月料往緣錢有濫惡致損於人或徇私者多得罪亦衆所以改支庸調將使公私間百姓之間加織造若以此勞弊又非得所自今已後宜各以當道所鑄充其月料古者三載考績黜陟幽明允叶大猷以勸天下比來諸道所通善狀但優仕進之輩與為選調之資責實循名或非古義自今已後諸道使更不須通善狀每至三年朕當自擇使臣觀察風俗有清白政理

著聞者當別擢用宗廟致敬必先於所在神人所依無取於非族深惟至理用切因心其應緣太廟五享宜於宗子及嗣王郡王中揀擇有德望者令攝三公行事其異姓官更一作史不須差一作令攝其草澤間有殊才異行

文堪經國為衆所知不求聞達者所在長官以禮徵送皇太子與男宜並封授官卻王守禮寧王憲各與一子三品官其內外文武三品已上賜爵一級四品以下各加一階長公主及嗣郡王各與一子官郡主縣主各放

欽定四庫全書

文苑英華
卷四百二十二

三

一子出身二王後及諸方蕃客宜各賜物諸致仕官量與進放依前致仕天下耆老百歲已下版授下州刺史婦人版授郡君賜粟五石綿帛五段九十已上版授上州司馬婦人版授縣君賜粟三石綿帛三段八十已上版授縣令婦人版授鄉君賜粟兩石綿帛二段京城父老宜其賜物三千段道僧等賜物一萬疋天下觀寺六齋日宜轉經讀典懲惡勸善以聞文教赦書有所未該所司類例處分率土之內賜酺五日五獄四瀆名山大

川自古帝王忠臣義士並令州縣致祭其有亡命山澤
挾藏軍器百日不首復罪如初宣布中外咸使知聞主
者施行

文武孝德皇帝冊尊號赦書

長慶元年

元 禎

門下昔我高祖太宗化隋為唐奄宅區夏包舉四海全
付子孫其事何哉彼昏盈而我勞敬也明皇承之能大
其業六戎八蠻罔不貢奉由是庶尹弛政庶吏弛刑視

欽定四庫全書

文苑英華卷四百二十二

四

人不勤視神一作盜不謹燕寇勃起洞無藩籬六十有七

年兵革大熾其事何哉據逸安而易萌漸也逮我聖父

勤身披攘斬斷誅除天下略定曾是幽冀賜予懷來荷

賴景靈丕訓不墜環歲之內二方平寧粵予何功時帝之

力而卿大夫猥以大號加于眇身讓于四三益其其請

皇太后始聞其事撤然慰心慈旨下臨臣誠上迫祇受

大典禮凜乎余懷尚念昔者七十二君莫不升中慶

成自以為堯舜莫已若也然而不為堯舜之行者來代

無傳焉朕嘗推是為心不欲名浮於實今卿大夫謂我
為文武孝德矣其將何道以匡予予其業業兢兢日慎
一日慕陶堯虞舜之行以自勉思文祖憲考之道以自
勤予苟不思無忘納誨於戲溢美之名既不克讓及一作
烈物之澤夫何愛焉可大赦天下

一作皆唐大詔令

大中二年正月三日冊尊號赦書

欽定四庫全書

文苑英華卷四百二十二

編制
五

門下我國家披皇圖以立極執大象以升中睿父嗣孫

詔令作睿重熙累盛逮予稽古聖孝紹復中興洗滌宿

氛廓開昌運天命不易賜予元符荷宗社之耿光致寢

瀛之小泰干戈載戢風順雨時北狄來賓西戎効職詔令

欽作豈予菲薄訖此肅清皆中外元僚文武多士同心協

贊而使之然益用兢慙以戒盈滿而乃累陳丹懇願上

鳴名牢讓不從涇誠彌切於戲昔賢有云舜何人也我

何人也苟或讓之不遂予亦敢不思齊今百執事謂予

曰聖敬敢忘湯武日躋之詩謂予曰文思敢忘放勛欽明之典謂予曰和文敢忘保大之功謂予曰光孝敢忘繼志之義以是自勵庶無悔焉浮寶之名既不獲已乘春之澤當務惟新可大赦天下自大中二年正月三日昧爽已前大辟罪已下已發覺未發覺已結正未結正繫囚見徒罪無輕重咸赦除之惟正犯十惡五逆已上故殺人及官典犯賊不在此限持仗行劫必欲害人苟遇支敵即行殺戮捍逆追捕肆意奸克不懲此流無以

欽定四庫全書

文苑英華
卷四百二十二

六

除惡并故殺人者雖以自今已後稍更廣求如有未曾任刺史縣令居然有誠略才術為衆所推者亦任於諸色人中選擇為兩省官周之宗盟寔惟封建漢之子弟亦謂犬牙廣盟石之宗增維城之固當今源流遠大枝葉蕃昌王室子孫不合布素宜令本司檢尋譜牒明驗房從貧窮不濟未有身名者每房放一人出身如有父見在朝門蔭可自補身名者即不在此限應諸州府縣等納稅只合先差車牛優長戶近者多是權要及豪富

之家悉留諸縣輸納致使單貧之人却須僱脚般載從今已後須令有車牛豪富人戶送太倉及州府輸納其留縣並須先饒貧下不濟戶如有違越節級官吏重加科殿所在逃戶見在桑田屋宇等多是暫明東西便被隣人與所由等計會推云代納稅錢悉將砍伐毀折及欲歸復多已蕩盡因致荒廢遂成闕田從今已後如有此色勒鄉村老人與所由并隣近等同點檢分明分析作狀送縣入案任隣人及無田產人且為佃事與納稅錢如五年內不來復業者任便租佃人為主逃戶不在論理之限其屋宇桑田樹木等佃人逃戶未歸五年內不得輒有毀除砍伐如有違犯據根口量事情科責并科所由等不檢校之罪諸道州府應欠開成三年終已前因水旱不熟貸借百姓及軍用欠闕借便度支戶部鹽鐵錢物斛斛積欠相承日月既久百姓或無本戶長吏累又改更全無本色可以支填所司徒有徵索之名終無送納之日虛繫簿書宜並放免三公僕射不常除

欽定四庫全書

文苑英華
卷四百二十二

七

官每至上時須有聚會委以府縣即須擾人宜令度支部勾當局席便取京兆府本色錢充不得令府司差配百姓吏部去年冬選人如聞多緣文字差錯所司駁放既添員闕亦可矜容若非身名踰濫及欠選欠考并準格不合收外其餘委吏部與重磨勘量收待殘闕比遠注擬上已重陽曲江宴會自有本色伍伯貫錢費用之間不合欠闕每聞差配百姓不免擾人從今已後宜令京兆府先與度支鹽鐵計料據所用一物已上除以

欽定四庫全書

文苑英華
卷四百二十二

八

本色錢物外如有欠少即委度支鹽鐵據數均給府縣不得輒配百姓其所市易並須先給付價錢如有妄配百姓買物不給價錢官吏等並準此同枉法贓例處分仍令御史臺切加察訪天下州府有官吏犯贓皆逐相蒙蔽不肯發明縱有中聞百無一二自今已後管內縣令有犯贓事發州司不舉者連坐錄事參軍有贓犯刺史不舉者坐刺史其刺史有贓事發觀察使不舉者連坐廉使則近相檢轄功過可明各務清廉悉心為政度

支鹽鐵戶部三司茶綱欠負多年積弊斯久家業蕩盡無可徵索虛繫簿籍勞於囚繫者復委本司各條流理聞奏如先將茶賒賣與人及借貸人錢物若文帖分明的知詣實即與帖州縣徵理如組織平人妄有指射推勘了後重加決責釋氏之教清淨為宗將悟昏迷實資善誘上都除先置寺外每街更各添置寺五所東都除先置寺外更添置寺五所每寺各度五十人每處僧寺三所尼寺二所西川荆南揚州潤州汴州太原河中襄

欽定四庫全書

文苑英華
卷四百二十二

九

州已上八道除先置寺外更各添置寺二所每處僧置寺一所尼寺一所諸道節度觀察使府除先置寺外更各添置寺一所其所置僧寺各度三十人諸道管內州未置寺處宜各置寺二所僧寺一所尼寺一所每寺各度三十人五臺山置寺五所如有見存寺便令脩飾充寺每數度五十人數內置尼寺一所已前添置寺宜並先度僧尼漸漸教化建造寺宇不得遽有勞役其僧尼年幾限約并諸條流準會昌六年五月五日敕條事例

欽定四庫全書

文苑英華
卷四百二十二

十一

處分道濟生靈功成克伐晦明雖隔禮敬宜加唐功臣墳墓無子孫者不許砍伐委所在長史差人巡檢爰念農耕是資牛力絕其屠宰湏峻科條天下諸州屠牛訪聞近日都不遵守自今已後切宜禁斷内外文武任及致仕官三品已上賜爵一級四品已下加一階仍賜勳兩轉神策六軍金吾威遠皇城將士普恩之外各賜勳兩轉道宗魯聖禮治虞賓式舉舊章以榮一作崇後嗣二王三恪及文宣公各賜物五十疋環衛星陳華夷雲集

眷茲勞勩俾示恩華神策六軍金吾威遠皇城等諸軍將統軍已下各有賜物其將士等長行立仗并守營者各賜物有差鴻臚禮賓院應在城內蕃客等并節級有賜物澤貴流根宜頒祿秩義隆追遠用慰孝思常參官及諸州府長史父母見存未有官封者並量與五品致仕官及階并邑號父母亡歿未經追贈者量與追贈官及邑號攝侍中讀寶官攝中書令讀冊官各賜一子出身撰冊文賜一子正員官奉寶綬官書玉冊官書寶官

欽定四庫全書

文苑英華
卷四百二十二

十一

各加兩階進寶綬進冊進中嚴外辨禮儀贊導押冊押實綬舉昇寶冊官各加一階其餘應職掌行事官太常脩撰儀註禮官并內行事官三品已下賜爵一級四品已下加一階仍並賜勳一轉鑄造玉冊官各賜物五十段中書門下儀制官特加一階禮崇養老道貴旌賢爰示優恩以弘教化天下百姓年九十已上委所在長吏量加存問孝子順孫義夫節婦旌表門閭終身勿事先已旌表者亦量加優卹川岳玄功聖賢幽贊宜因需澤用薦馨香五岳四瀆宜委本州長吏備禮致祭名山大川自古聖帝明王忠臣烈士委所在以禮致祭亡命山澤挾藏軍器百日不首復罪如初赦書有所不該者所司具作條例聞奏敢以赦前事相言告者以其罪罪之赦書日行五百里布告天下咸使聞知主者施行

元和十四年七月二十三日上一一作冊尊號赦

編制

門下朕聞惟人戴后因事必極於推尊惟辟奉天有善

必歸於讓德在敷景化以答玄功居有勞謙之思進多
滿假之懼緬自遂古何嘗不由是而致理焉朕獲繡
圖祇膺神器上奉大祭下安群生恭己臨軒兢懷馭朽
志欲周於四海念常切於一夫盱食宵興唯恐失墜運
屬休泰時丁小康方隅廓清氛祲銷盪斯乃上荷乾坤
之垂祐宗社之降靈下賴卿士之叶心戎臣之宣力端
拱嚮道推誠任能豈予寡昧用集丕績況至化猶懃勤
憂未寧而中外臣僚文武多士累陳懇疏並進昌言願
獻鴻名以增虛美詎衆心而率顛轉切顧眇身而內愧
靡安乃操吉辰爰受典冊禋告于清廟虔聞于昊天當
茲盛儀夕惕增厲於戲朕自御極再加景號在徽章而
孔備諒浮寶而多慙宜因行慶之辰誕布惟新之澤與
物咸遂永孚于休可大赦天下自元和十四年七月十
三日昧爽已前大辟罪已下已發覺未發覺已結正未
結正繫囚見徒罪無輕重咸赦除之唯故殺人及官典
犯賊不在此限左降官量移近處已經量移者更與量

移如復資者即任赴選集丁憂去任服闋日亦與量移
如有親故在上都任於所司陳狀便與處分不必更待
本州申請如準前制已合量移有司未註擬者並任累
叙并別勅因責授降資正員官所司亦與處分亡官失
爵放歸不齒者量加收叙流人移隸等並與量移近處
僧尼道士移隸者得罪人已亡歿家口未放歸者一切
放歸如自情願住者亦聽住左降官及流人先有官者
如有已亡歿各還本土應反逆緣坐配流在遠處身已
亡歿者如有親戚任便歸葬棄瑕有過既咸達於幽明
錄善舉才庶無遺於廢滯或中外前資見任官如有因
瑕累未階錄用并左降官事情可恕才行足稱者宜委
中書門下量加簡拔隨能錄用妖兇久阻汚脅所加今
既澄清宜從洗滌其濫青舊管內官吏將士百姓等縱
有跡同惡逆掛涉流言事在往時一切不問維新之後
仍不得逆相糾告革其弊俗阜彼遺人切在分憂期於
共理郵曹濮淄青沂海等三道百姓久淪寇境皆被殘

傷宜委本道觀察使刺史設法緹撫務令安輯熟籍所著常典必行常恐踰時無忘終食撫平濶青諸道立功將士宜委本道速準前勅條疏聞奏當與甄獎自經討伐鋒刃所交言念傷殘每深憫惻其濶青舊管四面官軍陣亡將士等已有前勅處分收葬量事致祭其是賊徒遺骸委在中野者亦委所在州縣速與掩瘞輦載之下萬邦所瞻封畿之內百役斯集永言凋瘵是用蠲除其京畿諸縣今年秋稅戶青苗及秋冬季權酒錢每貫

欽定四庫全書

文苑英華
卷四百二十二

十四

量收四百文從元和五年已前諸縣百姓欠負錢物草斛斛等共一十三萬五千一百一十三貫石速委京兆府疎理具可放數聞奏天寶已後戎事方殷兩河宿兵戶賦不入軍國費用取資江淮繭絲所收寧免加厚物力有限水旱相因歲月既深凋瘵亦甚眷言及此憫歎良多今上天垂休氣沍清息師旅之後又茲豐稔省事恤人庶乎惠養其淮南浙江東西宣歙江南湖南福建山南山東荆南等九道今年秋稅錢合上供者每貫量

放三百文度支其今年秋稅留州留使錢并鄂岳共十道每貫量放一百文度支元和五年已前諸道州府監院送省除前制放免外諸色欠負通縣錢物等共四百二十八萬八千八百貫石等監院鹽鐵使從貞元五年已後至元和五年已前制疎理量放外應負諸色錢物斛斛共三百三十二萬二千一百五十一貫石等戶部從建中三年已後至元和九年已前除前制疎理外諸色欠負錢物共計五十三萬九千四百六十四貫石等

欽定四庫全書

文苑英華
卷四百二十二

十五

並委本司疎理具徵可放數聞奏御史臺及秘書省等三十二司公解及諸色本利錢其主保逃亡者并正舉納利十倍已上攤徵保人納利五倍已上及展轉攤保者本利並宜放免其正舉未至十倍亦委御史條疏聞奏京城內私債本因富饒之家乘人急切終令貧乏之輩陷死逃亡主保既無資產亦竭徒擾公府無益私家應在城內有私債經十年已上本主及原保人死亡又無資產可徵理者並宜放免比來州縣多不定戶貧富

欽定四庫全書

文苑英華
卷四百二十二

十六

轉神策六軍金吾威遠皇城諸道將士等普恩之外賜
轉詩歌有客王道攸存禮著先師儒風載闡永懷後嗣
寧忘加恩二王三恪及文宣公賜物五十疋仁親爲實
睦族是先需澤所行用頒慶賜大長公主長公主嗣王
各有賜物宸居所拱禁衛斯嚴寄切爪牙効彰忠勇恩
榮素厚寵錫宜周神策六軍金吾威遠皇城等諸軍將
軍已下各有賜物其將士等長行立仗者并守本營者
每人各賜有差四夷來庭萬里觀禮柔遠之義恩不可

欽定四庫全書

文苑英華
卷四百二十二

十七

遺鴻臚禮賓院應在城內蕃客並節級賜物昭受冊典
永垂鴻休皆惟皇臣克贊盛禮崇階高爵任子延恩式
示寵章以明酬獎讀冊官侍中韓弘讀實官戶部侍郎
平章事皇甫鏞並加一階已至三品者賜爵二級撰冊
文官中書侍郎平章事崔群與一子正員官奉冊寶綬
書玉冊書實官加兩階進寶綬進冊禮儀贊導押寶綬
舉昇寶冊官加一階其餘應職掌行事官寫制書官太
常脩撰儀注禮官并內侍省行事官三品已上賜爵一
級四品已上各加一階仍賜勳兩轉鑄造玉冊并填金
字造寶官等各賜物五十段每懷先正尚想舊勳將以
勸忠故茲進錄故高父子儀贈太師晟贈太尉秀實各
與子孫中一人八品官張巡許遠南霽雲顏杲卿真卿
各與子孫中一人出官陝州元從奉天定難功臣三品
已上普恩之外賜爵一級四品已上更賜勳三轉身歿
未經追贈者宜與追贈太學崇儒教化根本兩都國子
監館宇如有毀壞處宜令本司計料開奏當與脩葺官

屬師氏委中書門下及所司精慎選擇用賢納諫常所
虛心計料求人抑有古典天下諸色人中有賢良方正
能直言極諫博通墳典達於教化軍謀宏遠堪任將帥
詳明政術可以理人者委中書門下尚書御史臺及諸
司四品以下清望官五品已上清望官諸道觀察使刺
史各舉所知仍限來年正月內到上都朕當親自策試
宗子中如有才行可稱者委宗正寺及所在長吏具以
名聞仍委中書門下量才叙用國典舊章隆廢滋久者

欽定四庫全書

文苑英華
卷四百二十二

十八

各委本司條疏奏請當議施行元和元年已來制報處
分有未遵行者委御史臺提舉聞奏大明黜陟署在格
言所以考官吏之濁清究黎人之利病數我化理屬於
使臣宜委中書門下選黜陟使分巡天下恤其耆老必
及於州閭表其行義用敦乎風俗天下百姓年百歲以
上各賜米五石絹二疋純綿一色羊酒有差九十以上
各賜米三石絹兩疋仍令本縣令就家存問孝子順孫
義夫節婦旌表門閭終身勿事先已旌表者量加優卹

祀典所載朝章是崇或美利在人或遺風可慕必資申
敬乃副予誠五岳四瀆宜委本州府長吏備禮致祭名
山大川及自古聖帝明王忠臣烈士各令所在以禮致
祭亡命山澤挾藏軍器者百日不首復罪如初赦書有
所不該者所司具作條例聞奏敢以赦前事相告言者
以其罪罪之赦書日行五百里布告天下咸使知聞

欽定四庫全書

文苑英華
卷四百二十二

十九

文苑英華卷四百二十二

欽定四庫全書

文苑英華卷四百二十三 宋 李昉等 編

敕書四

尊號敕書二

寶曆元年四月二十日冊尊號敕文 編制

門下朕聞奉天地之大統必酌于人心荷宗祖之誠訓必參于國典顧惟眇身守任重器道未能被物德不足蓄身賴于宗工碩老輔導丞弼享祧主詔今皂熏燎告

欽定四庫全書

文苑英華
卷四百二十三

玄履歷正元敷施大號庶方咸若四表穆然皇祖披攘之基列聖焦勞之業恬焉而有泰焉而居晝以度心夜以省己其何德以堪之方將法乾以行健體成而致和執冲以固高守約以持滿而文武百辟章奏四上以為人心不可以曲讓國典不可以矯違亦用慰于太皇太后皇太后之意屈而後俞諒非獲已豈不以予非生知欲以徽稱懿號誘掖勸慕之乎將使循名而勉其實力實而應其名乎然則予方且以為韋弦方且以為歲誥

欽定四庫全書

文苑英華
卷四百二十三

二

柵子皇極庶無尤違是宜與物同利惟新大澤可大赦天下自寶曆元年四月二十二日昧爽已前大辟罪已下已發覺未發覺已結正未結正繫囚見徒罪無輕重咸赦除之惟故殺人及官典犯贓不在此限應左降官未經量移者宜與量移近處丁憂去任服闋日亦與量移如准前制已合量移有司未注擬者並任累叙流入未到所在及已到未經量移者並與量移近處僧尼道士移隸未經量移者並一作亦與量移近處中外前資見任官頃因延累未及用才并左降官中有事情可恕名跡素聞者宜委中書門下量加獎用勿使屈滯授田制祿歲久而弊深留獄要囚期舒而濫廣隱冒啓逃姦之漸倍稱成豪奪之源亟舉舊章猶循宿蠹永言謀始必俟申明在京百司職田散在畿內諸縣舊制配地出于逐畝平攤比量舊制孰為久便宜委京兆府與屯田審計會條疏奏聞如京城諸司捕繫推拘經旬時每季御史巡囚罕能察訪舉劾積成冤滯為弊頗深宜委御史

臺重舉用長慶元年七月十八日敕文條件聞奏京畿百姓多屬諸軍諸使或戶內一人在軍其父兄弟不受府縣差役頃者頗有制勅處分如聞尚未遵行宜委京兆府重舉用長慶元年七月十八日敕文條疏聞奏應京城內有私債經十年已上曾出利過本兩倍本主及原保人死亡並無家產者宜令臺府勿為徵理應天下典貼得人庄田園店等便合祇承戶稅本主收贖之日不得引令式及言私契組織貧人令煩而政撓積習

上賜爵一級四品已下加一階仍賜勳兩轉神策六軍金吾威遠皇城將士普恩之外各賜勳兩轉列虞賓之位崇褒聖之庠所以闡德教而昭前烈也二王三恪及文宣公各賜物三十疋朕上奉兩宮下臨九有庶幾廣愛之道以行教化之風太皇太后皇太后二等已上親委中書門下約舊例量加優賞二廣分營六師環衛梯航貢奉玉帛會同既勤勞而可嘉亦懷來之所尚神策及六軍金吾威遠皇城等諸軍將軍統軍以下各有賜給其將士等長行立仗者并守本軍本營者各賜物有差鴻臚禮賓院應在城內舊客等並節級有賜物宣贊盛禮潤色鴻徽爰錫寵於崇階亦推恩於任子攝侍中讀寶官門下侍郎平章事竇易直攝中書令讀冊官中書侍郎平章事李程各賜一子出身撰冊文官左僕射平章事李逢吉宜依舊例賜一子出身正員官奉冊奉寶綬官書玉冊官書寶官各加兩階進寶綬進冊中嚴外辦禮儀贊導押冊押寶綬舉寶冊官各加一階合

入三品者待考足日聽叙選人減一選其餘應職掌
行事宜及寫制書官太常修撰儀注禮官并宮內行事
官三品已上賜爵一級四品已下加一階仍並賜熟一
轉造玉冊并填金字造寶綦官各賜五十疋前王之令
政未有遺年哲之格言寔先願行義存忠厚教被家
邦天下百姓九十已上委所在長吏量加存問孝子順
孫義夫節婦旌表門閭終身勿事先已旌表者亦量加
優卹生甫炳靈出圖表異故能發洩雲雨蓄涵風雷望

欽定四庫全書

文苑英華
卷四百二十三

五

秩之儀必資鑄潔五岳四瀆宜委本州府長吏備禮致
祭名山大川及自古聖帝明王忠臣烈士令所在以禮
致祭亡命山澤挾藏軍器百日不首復罪如初赦書有
所不該者所司具作條例聞奏敢以奏前事相告言者
以其罪罪之赦書日行五百里布告天下咸使聞知

會昌二年四月二十三日上尊號赦文

編制

門下昔我高祖太宗始造區夏闡乾坤以覆載竭日月

以昭臨盛德耿光格于上下昊天有成命我二后受之
列聖丕圖克大其緒文綏武靖奕葉連枝逮于繼修罔
敢失墜誠欲追縱在昔貽範將來陶末俗於至和返大
朴於已散而道不足以居域中之大文不足以成天下
之化恭已南面夙興夕惕遐想理古歟然于懷至於嗣
歲豐穰寰海康寧祿祿泯滅息華夷大同茲實監祐自天
匡救在下諒非已出安敢自多而三台百辟陳忠歷懇
加我大號其何以堪謂予守文宜述先志抑而不行者

欽定四庫全書

文苑英華
卷四百二十三

六

三請確而不拔者群誠豈貪在己之名始念從人之欲
祗應典冊良深惕勵於戲顏子匹夫也猶曰舜何人哉
矧有其位行其教化而不思齊其道也尚念交修俾克
用又今維夏長養之時動植之物莫不自遂思有以導
迎和氣生活吾人是用稽犧經之作解法虞書之肆赦
推恩宥過思與協作同休可大赦天下自會昌二年四
月二十三日昧爽已前大辟罪已下已發覺未發覺已
結正未結正繫囚見徒罪無輕重咸赦除之唯犯十惡